

ITuvatuva ni Misa

Veikidavaki

B. E na yaca i Tamada kei na Luvena kei na Yalo Tabu.

V. Ameni.

A.

B. Me tiko vei kemuni kece na garasiai Ni noda Turaga o Jisu Karisito, na loloma ni Kalou, kei na veitomani Ni Yalo Tabu.

V. I yalomuni tale ga.

B.

B. Me tiko vei kemuni na loloma kei na vakacegu ni Kalou o Tamada kei na Turaga o Jisu Karisito.

V. I yalomuni tale ga.

C.

B. Me tiko vei kemuni na Turaga. (Se, ke bisopi, Me tiko vei kemuni na vakacegu.)

V. I yalomuni tale ga.

Cakacaka ni Veivutuni.

B. I kemuni na wekaqu, meda tusanaka rawa na noda ivalavala ca, me rakorako kina na noda solevu taka na misiterio tabu.

Vakatusa (Act Contrition (Confiteor))

K. Au vakatusa vua na Kalou sau kei kemuni na wekaqu niu rui cala e na noqu vakasama, noqu vosa, noqu ivalavala, kei na noqu vakawelewele.

Noqu cala, noqu cala, noqu cala levu sara. Au sa vakamamasu gona kina vei Maria tabu Daulato tu ga, vei ira kece na yagilosu kei na yalododonu, kei kemuni na wekaqu, moni masulaki yau vua na Turaga na noda Kalou.

V. Amen

A.

B. Ni lomani keimami saka.

V. Ni keimami sa valavalaca vei kemuni.

B. Ni vakaraitaka saka mai na nomuni loloma.

V. Ni vakabulai keimami.

B.

B. Turaga ni lomani keimami.....(V).Turaga ni lomani keimami

B. Karisito ni lomani keimami.....(V). Karisito ni lomani keimami

B. Turaga ni lomani keimami.....(V). Turaga ni lomani keimami

C.

B. Oni a talai mai moni vakabulai ira na yalododonu. Turaga ni lomani keimami.

V. Turaga, ni lomani keimami.

B. Oni a mai kacivi ira na ivalavalaca. Karisito ni lomani keimami.

V. Karisito ni lomani keimami.

B. Oni a dabe e na imatau i Tamamuni moni matataki keimami. Turaga ni lomani keimami.

V. Turaga ni lomani keimami.

Veisereki na Bete (*Absolution by the Priest*)

B. Me lomani keda na Kalou sau, bokoca na noda ivalavala ca, tuberi keda kina bula taumudu.

V. Ameni

Turaga ni Lomani keimami (*Kyrie eleison*)

Gloria. (*Gloria _Doxology*)

K. Me vakalagilagi na Kalou mai lagi,

ra vakacegu na yalovinaka e vuravura.

Keimami vakacaucautaki kemuni,

Keimami vakamuduo vei kemuni,

keimami rokovi kemuni,

keimami vakalagilagi kemuni,

keimami vakavinavinaka vei kemuni

e na nomuni lagilagi cecere.

I Kemuni na Kalou, Tui lomalagi, Kalou sau, Tama i keimami.

I kemuni na Luvena duadua, o Jisu Karisito,

kemuni na Kalou, na Lami ni Kalou, na luve I Tamamuni,

oni kauta tani na ivalavalaca ni vuravura,

ni lomani keimami;

oni kauta tani na ivalavalaca ni vuravura, ni rogoca na neimami masu;

oni dabe e na imatau i Tamamumi, ni lomani keimami,

ni o kemuni ga oni yalododonu,

o kemuni ga oni Turaga,

o kemuni ga oni cecere,

Jisu Karisito, vata kei na Yalo Tabu,

e na lagilagi ni Kalou o Tamada.

Ameni.

Collect

B. Meda Masu....

V. Amen.

Sokalou ni Vosa.

A

Ni oti na wili lesoni:

W. Na vosa ni Turaga.

V. Vinaka saka na Kalou.

Ni bera ni wili kosipeli:

B. Me tiko vei kemuni na Turaga

V. E yalomuni talega

B. Na tiki ni kosipeli tabu e vola o...

V. Moni lagilagi saka.

Ni oti na wili kosipeli:

B. Na Kosipeli ni Turaga.

V. Moni vakacautaki na Karisito.

Masu ni Vakabauta.

A. (Vakanisea_Nicene Creed)

K. Au vakabauta e dua ga na Kalou, na Tamada sau, a buli lomalagi kei vuravura, na vei ka kece, laurai se sega ni laurai. Au vakabauta e dua ga na Turaga o Jisu Karisito, na Luve ni Kalou duabau, e vu vei Tamana ni bera na ivakatekivu: Kalou mai vua na Kalou; rarama mai na rarama; Kalou dina mai vua na Kalou dina; a vu mai, sega ni buli, erau lewevata kei Tamana, o koya na liga ni veikabuli kece. E na vukuda kei na noda vakabulai a siro kina mai lomalagi.

((Cuva kece ni cavuti na yatuvosa qo))

A kunekunetaki e na cakacaka ni Yalo Tabu vei Maria Daulato, sa qai tamata. A vākoti e na vukuda e na kauveilatai e na lewa i Pōnitio Pailato, vakararawataki, bulu, qai tucake tale e na ikatolu ni siga, me vaka e volai e na iVolatabu. A cabe i lomalagi, lai dabe e na imatau i Tamana. E na lesu mai e na lagilagi me veilewaitaki ira na bula kei na mate; e na tawamudu na nona matanitu. Au vakabauta na Yalo Tabu, na Turaga, na vu ni bula, e tubu vei rau o Tamada kei Luvena. E rokovi, e vakalagilagi vata kei rau; a vosa e gusudra na parofita. Au vakabauta e dua ga na lotu tabu, katolika, vakayapositolo, au tusanaka e dua ga na papitaiso me iboko ni ivalavalaca. Au namaka na noda tucake tale na mate, kei na bula e na veigauna se bera mai. Ameni.

B. (VakaYapositolo_Apostles Creed)

K. Au vakabauta na Kalou, na Tamada sau, a buli lomalagi kei vuravura. Au vakabauti Jisu Karisito na Luvena duabau, noda Turaga.

((Cuva kece ni cavuti na yatuvosa qo))

A kunekunetaki e na cakacaka ni Yalo Tabu, qai sucu mai vei Maria Daulato. A vakararawataki vei Pōnitio Pailato, lauvako, bale, bulu; a siro i bulu, qai tucake tale e na ikatolu ni siga. A cabe i lomalagi, lai dabe e na imatau ni Kalou na Tamada sau; e na lesu mai e na lagilagi me veilewaitaki ira na bula kei na mate. Au vakabauta na Yalo Tabu, na lotu tabu katolika, na duavata ni yalododonu, na bokoci ni ivalavalaca, na tucake tale ni yago, kei na bula tawamudu. Ameni

Masu ni Vavakoso (*bidding prayer*)

SOKALOU NI IUKARISITIA

B. Oni lagilagi saka na Kalou ni veikabuli. E na nomuni lomasavu, sa tu kina vei keimami na madrai keimami vakacabora yani qo, na vua ni qele, cakacaka ni liga I keimami. Sana keimami madrai ni bula.

V. Oni lagilagi tawamudu na Kalou.

B. E na misiterio ni wai kei na waini qo, me keimami votai kina e na bula vakalou nei koya a vakadonuya me mai vakaivotavota e na neimami bula vakatamata.

B. Oni lagilagi saka na Kalou ni veibuli. E na nomuni lomasavu, sa tu kina vei keimami na waini keimami vakacabora yani qo, na vua ni vaini, cakacaka ni liga I keimami. Sana meimami wanigunu vakayalo.

V. Oni lagilagi tawamudu na Kalou

B. I kemuni na Kalou, ni ciqomi keimami e na neimami cabe yani e na vakarokoroko kei na yaloveivutuni; moni raimolitaka na isoro keimami cabora yani nikua.

B. Ni savata laivi saka na noqu cala, ni bokoca na noqu ivalavalaca

B. Ni masu na wekaqu me raidonu vua na Kalou na Tamada sau na noqu kei na nomuni isoro qo.

V. Me ciqoma na Turaga na isoro e ligamuni, me vakacerecerei vakalagilagi kina na yacana, me yaga tale ga vei keda kei na nona Ekelesia tabu taucoko.

B. Cavuta na masu ni solisoli na bete....

V. Ameni.

Masu ni Iukarisitia.

B. Me tiko vei kemuni na Turaga.

V. I yalomuni tale ga.

B. Ni vagolea cake na lomamuni.

V. Keimami sa vagolea vua na Turaga.

B. Meda vakamuduo vua na Turaga na noda Kalou.

V. E kilikili, e dodonu.

B. Cavuta na ikau ni Masu ni Iukarisitia...

Tabu Tabu (*Holy Holy_Sanctus*)

K. Tabu, tabu, tabu, Turaga na Kalou ni lewe oba.

E roboti lomalagi kei vuravura na kemuni serau.

Osana mai lagi. Kalougata o koya e lako mai na yaca ni Turaga. Osana mai lagi.

Misiterio ni Vakabauta (*mystery of faith _mysterium fidei*)

B. Meda tusanaka mada na misiterio ni vakabauta.

A.

K. Keimami tukuna saka na nomuni mate, tusanaka nomuni tucake tale, me yacova na nomuni lako mai.

B.

K. Ni keimami dau kania na madrai, gunuva na waini qo, keimami sa tusanaka saka tiko kina na nomuni mate, me yacova na nomuni lako mai.

C.

K. I kemuni na iVakabula kei vuravura, ni vakabulai keimami, nioni sa sereki keimami e na nomuni kauveilatai kei na tucake tale.

B. Baleti koya, vata kaya, vua, sa nomuni kina, Tama i keimami cecere, e na duavata ni Yalo Tabu, e na lagilagi kei na vakarokoroko tawamudu.

V. Ameni.

SoKalou ni Komunio (*Communion Rite*)

B. Ena ivakasala veivakabulai kei na veituberi vakalou eda kaya e na yalodoudou:

V. Tama i keimami mai lomalagi,

me rokovi na yacamuni, me yaco mai na
nomuni matanitu, me yaco na lomamuni e vuravura me vaka mai lomalagi.

Ni vakani keimami e veisiga.

Ni vosota neimami cala me vaka neimami
vosoti ira era cala vei keimami.

Ni kua ni vakatovolei keimami,

ni sereki keimami ga mai na ca.

B

V. Ni nomuni tawamudu tu na lewa, na sau, kei na lagilagi.

B. ‘Masu na Bete.....Kemuni oni bula oni lewa tawamudu.

V. Ameni.

B. Me tu ga vei kemuni na vakacegu ni Turaga.

V. I yalomuni tale ga.

B. Meda vakaraitaka mada na noda veilomani.

Lami ni Kalou (*Lamb of God_Agnus Dei*)

V. Lami ni Kalou, oni kauta tani na ivalavalaca ni vuravura,

ni lomani keimami.

Lami ni Kalou, oni kauta tani na ivalavalaca ni vuravura,

ni lomani keimami.

Lami ni Kalou, oni kauta tani na ivalavalaca ni vuravura,

ni vakacegui keimami.

B. Ni raica na Lami ni Kalou. Ni raici koya e kauta tani na ivalavalaca ni vuravura. E ra kalougata era sureti i na kanavata ni Lami.

K. O yau saka, e sega ni ganita moni curuma noqu vale;

ni vosa ga, sana bula kina na yaloqu.

B. Meda masu....

V. Ameni.

iVakarau ni Veitalatala. (*Concluding Rite*)

B. Me tiko vei kemuni na Turaga.

V. I yalomuni tale ga.

B. Me vakalougatataki kemuni na Kalou sau o Tamada kei na Luvena kei na Yalo Tabu.

V. Ameni.

((Ena misa levu))

B. Me tiko vei kemuni na Turaga

V. E Yalomuni talega

B. Me dokai na yaca ni Turaga

V. Nikua me tawamudu

B. Eda vukei ena yaca ni Turaga

V. O koya a buli lomalagi kei vuravura

B. Ni lako yani sa suka na Misa

Se. Ni lai kacivaka na iTukutuku Vinaka ni Turaga.

Se. Ni lako e na vakacegu; me vakalagilagi na Turaga e na nomuni bula.

V. Vinaka saka na Kalou.